

懽堂集

李道宰  
題籤



~ 18  
2455  
3 4



4  
23563止

門 18  
2455  
卷 3止

序

世之目詩人多稱輕薄以其根基不深流於靡漫也殊不知昔人論詩有云讀書破萬卷始足供驅使苟能讀破萬卷則根固葉茂曾次浩浩其自負之雄不厘以詩自命而世猶以詩人輕之往往屈沈於下豈非詩人之不幸歟古歡先生奮拔孤寒力學自樹所讀之書殆過五車而有志於當世之務學成而無所售出門落落特以詩結識於賢士大夫遂以詩聞既而佗僚坎壈爲飢寒所驅東西漂泊其幽峭之思勃鬱之氣一寓諸詩而詩益工及其歿也家無瓶罌之儲惟遺詩文若干卷以終噫以詩終非先生之志也余素聞先生之名嘗一見

學齋

於漢城再見於烟臺舟中先生年已七旬矣周遊日本  
及申滬析津掛帆東歸時當冬天雪風如刀先生衣裳  
甚薄凌兢倚檣而立鬚眉間猶隱隱有壯氣出示其遊  
覽詩草逾健雄沈不減少時之作因相詡爲詩仙蓋謂  
神仙不老而先生之詩亦不老也今先生雖沒而先生  
之詩有不死者存豈僅不老而已哉先生胤子堯善甫  
抱遺稿而來求爲弁語余於先生白首傾蓋便有鍼砭  
之感東還以後思欲得少閒就先生之廬載酒問字今  
不可復得矣此稿是五車精華余不敢窺其堂奧而錄  
梓一出傳與海內共觀必有知先生之志而悲其遭遇  
之第也

乙酉仲春兵曹判書原任奎章閣直提學金允植序

序

唐詩人高達夫適年五十始學爲詩而卒成大家與李杜齊名蓋風雅關乎骨性能詩與否自有生定之初不係乎學之早晚也姜子古歡生長東土自幼力學勤苦而不屑帖括以干世仰面屋梁時有所得輒於詩乎發之自云三十後始從事於此而彙其所著裊然成集乙亥春遇於京師出其北游艸及北遊續艸見示大抵紀行懷古親知贈答之作而自抒懷抱獨往獨來或遇創解特識往往出人意表遂卓然自成一家之言非風雅在於骨性而能若是歟古懽天性好遊東閱海滄再歷中華觀其山川之遼廓足以激昂其志氣攬乎民物之

蕃庶足以擴充其見聞及乎往來冠蓋之齊楚瞻仰闕  
庭之壯麗愈足以恢展其心胸而增益其魄力然則古  
歡之游無非古歡之學即無在不足以發舒古歡之詩  
雖曰大器晚成乎而考所造就將來必不讓於達夫行  
見海內外讀古歡詩者且位置於李杜間儻有採風者  
出列上東土詩人吾知其必以古歡為冠  
光緒乙亥春賜進士刑部侍郎南書房行走新安黃鈺  
孝侯甫序於京寓之岩露香齋中

題詞

東海有畸士蹤跡如冥鴻利器不得試曠達能固窮  
足走萬里遇嗇才則豐晚乃耽風雅有詩足自雄跋履  
來上國佳句滿郵筒邂逅徐穉榻僕於同直徐頌開合  
座呼詩翁鬚眉露奇氣炯炯照雙瞳疑是璞中玉知為  
爨下桐高才多冷落古誼彌謙冲一編袖中出竊欲師  
黃公謂同直黃孝兼採芻蕘語問道及瞽矇自顧非壯  
夫薄技習雕蟲快觀大手筆炫目光熊熊壇坵久不振  
得此倡宗風豈僅李杜名騰踔東海東  
豪情慷慨發悲歌知是生平閱歷多曾著奇書消歲月  
偶携行篋度關河九霄霜冷驚鸞鶴千里風高嘯駱駝

最羨錦囊吟料足遼東勝蹟盡搜羅  
使節追隨賦北游喜看春色到燕州人如种放甘終隱  
詩是方干最上流顧我胸懷蠡測海愛君手筆鳳成樓  
青驄一唱迢迢去贏得才名日下留

鄆縣 張家驥 慕槎拜讀

北游詩

後醉初涉山河未傲骨  
 能堪兩度空去息先生  
 今痛學古當待句在人間  
 蘇堂徐西壽

古歡堂收草卷之十二

天水 姜 舜 慈岷 著

完山 李建昌 甯齋 校

北遊草

出都

驪駒萬里動離歌上路依然感慨多  
 閒裡盡消佳歲月老來欲訪大山河  
 擬將碧酒藏千兕更要細編載十駝  
 持與先生為賀喜免夫落葉帶新羅

鄭雲齋奉事 基雨 李甯齋修撰 建昌 送余同至磚

石峴下以小册子納之袖中而別路次啓視是

社中四君子詩鈔欲求 中朝鴻碩評品者也

喜成長句 進並洪鐘山奉事四岐周李二堂

燕路三千雨雪霽都門祖帳騎如雲山前一步誰多送  
四海論襟有四君

午飯葱蒨奉和上行人

郵程有此好林居窈窕巖巒欲雪初千尋壁惹行人恨

道光初某官英和奉 勅東來還過葱蒨有句云終日

着山如面壁何時開 凍聽流泉恨東土之畏慎不敢致

也欸一眼泉留太史書 玉陵泉三字刻厓面 黯黯魚鱗雲

影薄杖柯鹿角樹陰疎溪山絕似匡廬曲 所傳 我比巴

猿意更餘 與中國意秀絕似

洞仙嶺 猴過此則啼似

嶽瀆應知使蓋來西風斜拂峒雲開荒城尙憶金師過

異代偏懷李帥才 高麗李將軍 虎豹爭獍充扼路楓松

匿匣供登臺此中正好留青眼莫遣斜陽去馬催 高麗高宗

十八年蒙古將撤禮塔率衆來受王遣兵禦之此洞  
仙驛會日暮軍皆解鞍而息縱兵突至麗將李子晟  
等殊死拒之即此地方山城不敵丁之役金自  
點據嶺西之正

奉和上行人鄭蓉山尙書詠鄭嘉山 著 殉難之作

昔年狂寇闖西關辛苦王師奏凱還生值承平爲太守  
僅將一死謝嘉山

奉和上行人統軍亭作

金石山南碧玉流龍灣館外盡汀洲皇華原隰平如砥  
二百年無出塞愁



城上危樓十二欄中州烟雨渺冥間明朝騎馬過江去  
身在江南望裏山

病中強策與俞杏農致也登統軍亭復用前韻

一水沄沄兩界流綠楊城郭白沙洲隔歲歸來春變好  
尊前休作送人愁

縹緲江頭綠畫欄迴望人在白雲間遙知提督東來日

喜見浮空萬疊山東國野史有李提督到鴨綠江岸

使行渡江後三日病少間追到柵門奉和上行人

溫井坪露宿作

皇唐遺蹟渺難尋西北山多接太陰野水空傳三派大  
城池無復九連深一天風露成新夢萬里關河懷舊心

原隰咨諏勞更重此身豈止比雙金

東人未習驟車况兼病中車內不穩苦况萬狀

艷聞熟路轉輕車流水遊龍比不如誰知百折千磨苦  
盡在中州發軔初

着處撞春撥復挑世間現此相堅牢青窳冰雪東西仄  
不但薪勞我亦勞

竟日雙輪似跳丸三驟並力度嶮巇此身漸與車同體  
東倒西顛也不難

遼野次韻

遼陽城外野漫漫今古蕭條入望寒點點千山藏樹底  
遼西三十里亭亭一柱拂雲端華表柱何年獨鶴悲丁

令此地三龍說幼安白首遠遊緣底意北來世界喜差寬

太子河次韻

易水長城豈易過  
悅親燕趙共悲歌  
幾人能辦千秋事  
六國亡時太子多

附鄭蓉山尙書詩

千年秋草昭王墓  
一陣寒風太子河  
莫把興亡論得失  
黃金同買好人多

關聖帝君廟次行臺李直閣編翼韻

桃園兄弟好千載  
係人思義烈通三界  
英靈顯幾時衆人  
同腐草歷代似殘棋  
寄語滔滔者乾坤  
廢墜遲

雪柳館次行臺韻

江頭小館對遼陽  
門外寒流接茂昌廢郡名四  
我昔東來今北去  
不知此意爲誰忙

統軍亭次行臺韻

邊城對酒意如何  
曠野長天北地多  
試放明朝遼瀝眼  
不堪回首小山河

柵門次行臺韻

寥落年光暮  
眞憐在遠行  
初驚荒野色  
那慣異鄉聲  
啞啞雙螺動  
蕭蕭衆馬鳴  
晨裝休攬鏡  
冠帶愧書生是役布

衣冠帶例冒

塔山望海

驟

水道朝天路渺茫可憐九死一還鄉當年指點停舟處  
一塔亭亭幾夕陽

塔山西望水瀟瀟憶昔韓檀此住橈萬里滄波來似去

無人解聽海東謠水路朝天時有碇舉分船離曲榭灘吳相所製也

來萬頃滄波去也似同之句盛宴必演此戲

願堂寺後 寢園

氣色森沈體勢雄 天聰皇帝有幽宮子孫竟大姬家

業鄉里難忘漢祖風漫漫野影千山外森森天光一氣

中蓋世男兒胸次好豈資子午下鍼功

路出遼野一望平陸車行殊快

車如逝水馬如龍萬里來游不負儂却憶當年行脚事

三周東海一枝筇

老氣騰騰隘八荒短衣怒馬出漁陽隋唐漂泊千年事

誰識兒孫到故鄉余先隋人也徙高麗後尚仕于唐

貞女孟姜祠祠後有藍夫石或云一在海中

寧知名節好家室契應深兩兒如許大一別到而今長

城無救敗片石有同欽願世為君者勿傷匹婦心

貞女祠前碧玉流芳流遼水共千秋寒閨亦有如君者

萬里征車愧遠游

萬里長城

何至區區限域中秦皇還是小英雄君看幾代中原主

盡起窮荒絕塞東

山海關

老作中州萬里行  
燕雲迢遞見秦城  
岡巒遠送巫閭勢  
風雨驅回碣石聲  
徐王遺畧關河壯  
魏祖雄觀日月明  
愧我來搖三寸管  
橫天獸角鬪崢嶸

永平府 古右北平

北來又是一雄城  
戰地遺塵右北平  
長雲萬里盤鷗下  
瘦月三更牧馬鳴  
千年飲羽將軍石  
一路盧龍節度兵  
貶服出關無限意  
不知今有魏先生

謁清節祠余曰二聖諫伐是為武王惜之非為紂

扶臣綱也聞者愕然為演此賦長句

託興西山可採薇  
史公認實太依稀  
超然遠引虞農世

豈為商周絜是非 西山採薇是比與之辭豈真食此不

齊之倫歟○神農沒而歎無所  
歸則湯之伐夏亦非二子所取

溝澮其身表綴名孔曾慕此恐非情  
天家興廢尋常事

只望君心似我清 武王

杏山堡奉和上行人作

大凌河北更淒涼  
一片風沙古戰場  
竟使天心移帝祚  
想來時事使人傷  
袁熊已自長城壞  
洪祖俱如劣乘僵  
指點當年 龍臥處  
至今猶有陣雲荒 寧陵與昭顯至  
杏山親睹戰狀

榛子店奉和上行人

戰地驚灰閱劫寒  
竟無人贖季文蘭  
傷心獨有青城筆  
留得千秋古艷看 金青城相國錫胃奉使過此店  
錄詩東來距題詩時五六年

車塵

竟日濛濛不見人六根全受北來塵誰知繡轂爭奔地  
獨轉空王大法輪

奉和上行人示客

未擬彈長鋏溪慚載後車老非知路馬寒似繞枝鴉  
婦猶憂國壯夫豈顧家誦君原隰詠來去有光華

皇城

由朝陽門進城

初意凌兢萬里程而今快活到皇城縱橫佛地黃金  
道窈窕仙寰白玉京休擬三都諸賦序儘勞六代大經  
營千門萬戶玲瓏界只恐歸時記不清

玉河館除夜吟病無慘燈下書懷

形如枯木氣如絲萬里離鄉值歲時七尺累人滋感愧  
關情不獨在妻兒

永平府感魏伯子問答事

臣辱由來為主憂甲申風雨黯千秋誰知一把英雄淚  
寄與行人海外流

語到永歷泣如雨

伯子文章信鉅工况兼三魏共玲瓏竭來畫地論心處  
今古同霑眼淚紅

清節祠

避世先懷住海濱祚移竟厭世情新叙倫明主非妨義  
致死昏朝總許仁一局陳言難詰處千秋名士自持身  
讓國歸來仍諫伐此心精白享精禋

奉謝張叔平世準先生拙稿賜批後見贈之作次

韻

大勺賦物無西東四海同心有至公  
還有百種殊科未易究深淺我有一言懸斷之  
只憑胸中有否丘索與墳典丈夫逝當一舉追黃鵠  
安可自吐自縛有如蠶作繭神州東蔽日觀峰翰墨為海  
藏羣龍人生徼外真堪痛有眼何曾觀麟鳳雙魚夫子老  
墨妙無痕外肆馳騁中有魂玉局神彩涪翁骨人世再來  
酬業冤豈嫌湫隘近書樓風來萬竅同刁騷世間萬事皆  
毫芒尊前一笑空千秋悵悵東歸隔萬山祇應有夢到雲  
間何緣供洗仙齋硯一樹梅花伴掩關

將詩歸與萬人看邂逅新知勝舊歡已抵百城文史富  
且容一榻客氈寒片犀原有通心樂寸管寧辭代舌難  
肝膽相投傾蓋地笑他車笠誓雞壇

出都有感用吳春海給諫思韻兼寄張叔平員

外

不見中州阮與翁今朝悵悵我車東  
皮膚盡撒情才見言語難酬趣豈同  
賴有張衡同作賦更逢吳札妙觀風  
鏤痕爪跡祇如許萬里交期寸卷中

陪使臣至太學謁至聖先師孔子神位辟雍觀乾

隆御定石經大成殿廡石鼓

兩楹歌罷少歡踪豈道終為萬世宗  
到處難容憐匪虎

經來削跡感猶龍  
偶隨使節來中國  
得讀經碑過辟雍  
僭慕當年由也好  
乘桴萬里願相從

還到灣上復次統軍亭板上韻

馬首盈盈鴨水流  
明花暗柳滿汀洲  
祇難收攝中州眼  
入塞強於出塞愁

半載金局與玉欄  
却辭天上返人間  
教君看我瞳中碧  
愿有神皋萬歲山

# 北游續草

甯齋李建昌

豪華硯石為開言止  
賦言言尺其臺可惜駭才公不  
載黃金其與買詩來

滄江金澤榮拜誌

古歡堂收草卷之十三

天水 姜 璋 慈 岷 著  
完山 李建昌 寧齋 校  
蓬萊 鄭萬朝 懋亭 編

北遊續艸

出都奉呈行臺李寧齋建昌侍講

寒天戒長道車馬向中原浩蕩臨關塞依遲出國門郵  
程傳錦軸祖帳挈金樽感此送行者都無兒女言洪鐘

外坡履追寄詩序而  
村諸君子携酒出錢

奉和行臺出都作

都人士女擁行旌嘖嘖看登萬里程列國風詩徵季子



西京詞賦軼長卿東南事有關時變今古才難覘異情  
原隰常懷靡及意轡軒一路秦階平

上馬重爲出塞歌騰騰老氣欲如何只愁九萬扶搖弱  
豈謂三千道路多瘦月經時仍滿壁凍雲無際漸生波  
商量幾百年中事玉帛將書得好過

長程日辦酒三升足試黃河十月冰已老何緣經郡國  
不才溪媿厠賓朋無論大觀從茲始卽此清歡得未曾  
知有壯懷求遠使朝儀不僅貴模稜

黃州早發金石陵牧伯善機邀行臺登月波樓餞

行有韻奉呈行臺

西來閱歷幾關城鼓角黃州忒有情峭壁仍兼江色淨

危樓常帶月華明湖山黯黯尋前夢風雪蕭蕭送遠行  
最喜百年冠蓋路輕裝共說使君清

關外名州似此稀湖光樓影漾寒暉鬚紅拂嬌難狎  
袴褶黃驄健欲飛萬里君能輕遠別三年我亦未懷歸  
皇華原濕重重意咨度何緣及肖微

箕城雪夜邀李梧隱禹鉉同賞命韻

相看俱非盛壯時倦遊歷落賸新詞餘生遣日依親識  
上乘超方在遠離各有心中千古事能邀海內幾人知  
今宵勝似山陰雪邂逅同歡不自期

關西巡察趙小荷成夏使相厚贐且寵以詩走筆

奉和

本無絃可張空懷山水音散材宜供爨誰云可以琴  
汨江非野渡萬人競爭舟棠陰留召伯挹灑有高樓

安定館夜坐奉和行臺

長亭車馬日紛紛游子真慙四體勤濛濛大野疑烟水  
澹澹寒空盡雪雲畫角浸霜終夜語馱鈴搖月隔年聞  
白頭袴褶成何用只爲風流御李君

宣州細柳軒行臺邀梧隱賞雪談詩有韻奉和

王迹論詩始覺深今宵真與會家吟三百篇多專對事  
六千里恢遠游心絕國使臣懷拭玉名家子弟笑羸金  
宣城紅燭如椽大却拉經生古義尋

鬪塞迢迢雨雪深清華極目一沉吟登床少日難除氣

伏櫪餘年尙有心味闕鹹酸如嚼蠟身存富貴始輕金  
軍營鼓角風流地絕似山陰半夜尋

脫劍交情歲已深每憐腰下作龍吟烟霜左域餘華髮  
晨夕南村遣素心已誤亞夫開細柳空憐党尉醉銷金  
今宵得句多於昔應與悲來不待尋

雪後月極明行臺步至敞次小話同至細柳軒復

邀梧隱徹曉吟賞

忽漫從君得此宵交光雪月境迢遙可憐一刻千金景

幾向郵燈睡裏消

幾平聲

雄豪綺麗併今宵慰釋離情萬里遙帳下綠韞同虎健  
琴傍紅袖盡鸞消

行臺以尊甫海槎先生勉戒書示及欽誦之餘率  
用南社送別韻演成長句

尺書難罄倚閣情二客知心伴遠程余與曹大令乘大俱以伴倘隨行  
偏是有譽還有謗雅宜求實不求名此真道德傳玄訣  
豈止箴規望後生做到神仙賢聖去了無奇特只平平

統軍亭次板上韻奉和行臺

指點中州幾處山使車十日駐龍灣參差遠火通殘戍  
絡繹征塵擁對關籌畧隋唐千載後風流遼剗萬人間  
書生附驥真癡絕一歲忽忽再往還

惠崇烟雨米家山墮此荒荒水一灣分無白馬雄臨塞  
州有白馬山城却憶青牛老出關三派江長千里外九連城古

萬峰間吾人壯觀窮幽薊便擬乘槎犯斗還

暮抵柵門奉和行臺渡江作

搏桑迢遞旅懷紛已墮濛濛北地雲此是過江初夜得  
燕山風雪隔燈聞

萬里聲塵阻碧流橋車馱醉過楊州秦淮十夕無留駒  
愁煞樽前幾莫愁

鷹山道中奉和行臺

响馬賊時據此山踪跡無定云

莽蕩邊城盡蕭條異域初虎林無古逕鴈戶有新居荒  
磧春耕入殘燒夜獵餘萑蒲兼雨雪早晚戒征車

踰青石嶺奉和行臺

馬蹄生紫電車下隱晴雷冰雪青甯陔騰騰叱馭來人

烟何慘澹鳥道屢縈回原隰勞誠重非君孰任哉

小石嶺道中

透途三十里猶自在谿澗層冰愁著足亂石怒張牙暮  
色看歸鳥冥行信老驪山川故修阻天意關遼河

遼野奉和行臺

忽若夢初醒恍如人始生乾坤何浩蕩川陸失陂平古  
跡徵何處吾行有幾程邇回關貢路朝議感前明成化問朝

辭請改貢路避會寧之險劉大夏執不可

沙塞烟巒阻且長今朝軒豁出遼陽枉從車內愁風雨

纔脫環中得混茫一望浮雲連海岱幾堆荒磧閱隋唐

李華應悉千秋事莫惜為文吊戰場嚴下常有風雨聲

石門嶺望遼野奉和行臺

嶺上有枯井東使過之水輒涌出

嶺上停驂許共嘗靈泉應惜使車忙箕聖遺封疑此地

前記多以遼東為異子平壤句麗何處峙邊疆又以石門嶺界列墩渺

渺來空際一柱亭亭鎮大荒丁以威華表柱貢路委遲

經四鎮前朝猶是戒東方劉大夏語

遼河道中書懷

晚憐也中夏大再到未憚煩大陸東維闕同天北極尊

微知慙老馬浪跡感逋猿我豈忘情者前宵夢故園

車行甚快戲成長句題澄海樓石面

雙輪竟日挾風雷驅出遼陽大野來想煞文皇兵十萬

敵營新下戰書回

限

書生白首已無能老氣公然萬馬騰苦恨西來遼野小  
危樓登望海澄澄

奉和上行人李耕石尚書見示次韻

吾行匪分愧虞旌日檢奚囊作課程未承四牡周咨意  
只有雙魚遠寄情余前冬至鄒京僅獲酒市風塵猶落  
魄嘯臺艸木晚聞警長途一橐惟殘墨不惜郵燈盡底  
傾

用前韻奉和行臺

東方使者載青旌薊樹燕雲日戒程但懷永久行人意  
不見幾微遠道情漠漠塵沙從撲面蕭蕭朔雪慣聞聲  
關河晨夕無奇話怪煞燈殘斗已傾

奉和耕石大人見示次韻

未通絃指妙空慕凍天琴某方一字秋琴先生贈詩云何  
處松風至冷然玉寶音新羅山八玉寶高自製琴六濫  
竽非素願忘肉尚餘心倘贈成連約明朝抱器尋

謹次上行人韻邀梧隱佐酒

點墨辰韓小先生有此行眼底東溟入頂門北斗橫秦  
城何窈窕燕塞尚分明征馬隨人健蕭蕭亦屢鳴

道中無轡又用前韻

此生那得萬竿旌四夷八蠻一掃平不然只搖三寸管  
異性歡合一家情韓宣易象春秋策轅帝釣天廣樂  
聲觀風上國歸來日說與吾人耳盡傾

青帘飄拂酒家旌便欲停騶澆不平天留一片淒涼地  
人起千秋黯黯情哀楊最係當時事戚李猶傳後代聲  
辛苦往塵皆幻境誰將大厦獨扶傾

四方城用前韻

壁上峨峨樹漢旌四方城子鎮遼程關外撤兵窮廟筭  
甯前爭議見邊情千墩星絡山河勢戚繼光設烟臺千二百所六堡  
風傳草木聲李成傑戚李經營非不偉誰能持滿又防  
傾

奉和行臺途中感古壬辰東用前韻

安危機決不占旌東援曾勞啓此程上國藩維關大勢  
狡奴封貢匿深情雌籌尚有經遼策車馬如聞渡浪聲

蕭瑟風泉千載意天教江漢盡東傾

亮河道中遇風雪用前韻

凍雲漠漠捲寒旌此去秦關更幾程應有征人勞苦事  
豈無遠道別離情塵沙雪雜千墩暗艸樹風來四野聲  
行色補圖遺闕在每回吟唱淚如傾忠宣王青石嶺詞  
有行色進圖語

甯遠溫泉奉和行臺

野寺淒涼客少來瘡痍偏荷覺皇哀借水半槽揩病眼  
據鞍千里拊衰骸盡除垢滓餘真相一轉溫良得妙才  
經試東泉三十六強如北地兩三杯

行臺拜關廟抽三十四籤雖然目下多驚險保汝  
平安去復回是識辭也

清曉靈風拂畫旌關侯祠裡問前程川原勞役知常分

家國平安切遠情  
崔澤要人無豫具  
蔬田逸馬有歎聲  
示我周行承賜厚  
應知對語戒危傾

再過姜女祠

秦帝城傍女子祠  
崢嶸千載鬥奇悲  
槎枒冰塞沙中骨  
宛轉春閨夢裏姿  
天上君臣談遠畧  
人間夫婦死相思  
驪山秋草無人過  
此地征夫涕盡滋  
守具齊天未足憑  
太平宏略付賢能  
長城萬里秦何賴  
真遇貞姬一哭崩

姜女祠次板上韻

聞說望夫處  
貞女化爲石  
我來遼野中  
悵悵捫遺跡

厓石

問有

秦城無守鐘  
鼙移一女媵  
節獨傳千載  
奇秦鞭驅

石滄海東萬夫僵死  
長河眉天荒地老  
結幽怨沙塲白骨  
委荆蔓漢幟西來  
赤如血想染思婦  
哀淚濺我今稽首  
娘娘神默佑太平  
烟火滿九州家家  
夫婦相對歡不識  
人間別離愁又願  
范郎轉身爲海水  
娘現海中石終古  
互答聲

石一云望夫在海中

新民屯有題壁截句末署桂香不知是何人蓋女  
流也多載東人燕榭錄與榛子店季文蘭詩並  
傳其辭甚佳今錄于左仍次其韻

天涯淪落幾經秋  
欲抱琵琶訴別愁  
誰是多情白司馬  
夜深燈火照江州

琵琶絃冷荻花秋  
江上無人話舊愁  
愛詠新詞題處處

一時哀艷滿邊州

片夢消春兩鬢秋紅顏從古易爲愁雙行清淚燕雲濕  
欲訴無情十六州

郵燈瑟瑟滿江秋壁上人留去後愁商女琵琶司馬句  
今宵與我唱江州

題行臺還鄉河詩後

還鄉河瀨尚潺湲天子思鄉竟未還記否陳家詞曲裏  
落花流水到人間  
鴈戶流離有歸日鸞輿播越無還期深深一語傷千古  
應是昌朝宰相詩

薊門烟樹

霜榆撼撼經秦塞烟樹重重擁薊門粧點空濛千里色  
應緣遍地是佳村

陰陰是樹疑非樹漠漠非烟却是烟不須更現玲瓏界  
卽此蒼茫已可憐

惠崇煙雨坡公樹溪怕冥濛淺怕枯廿四品中無此境  
白描設色兩難圖

遼河千里皆煙樹異觀偏於此地開只憑勢高宐望遠  
重重妙境現前來

行臺以道中作見示依韻奉和

誦詩專對問三百聖云多古道應如此今行欲奈何韓  
宣纔見易吳札始聞歌上國觀風好明朝渡潞河



道路宜云遠晨曛已覺多累非無故得愁奈有情何潦  
倒中年酒淒清子夜歌隨緣行萬里笠影落落遼河

邦均店曉發

行人念靡及車馬戒宵征尚喜身俱健寧愁路不平寒  
星皆在水宿霧欲沉城遙指通州渡未昏趨兩程  
莽莽遺前夢悠悠在遠征夕次中前所晨離右北平依  
微穿薊樹突兀見秦城已涉三千里回頭只半程

潞河遇大風

舊傳東使渡河輒見風異

三韓客子太冬烘始遇泱泱大國風改候一宵雲慘澹  
揚塵千里晝冥濛枉傳河伯威靈暴要現皇州氣勢雄  
天意原知柔遠好明朝愛日勝春融

玉河館除夕奉和行臺

遠來未覺路途難到老纔知宇宙寬萬戶華燈渾似晝  
九門風雪不成寒今宵相對疑佳夢此地何緣置古歡  
號妙筆憑誰移小景春鴻寄與故人看

乙亥元朝奉和行臺

玉壺停點曉鐘沉已放朝鷄出上林故國音書千里外  
上都羈旅兩年心新叅蝙蝠香光遠漸覺玫瑰酒味淡  
老來薪祝無多事贏得佳詩萬首吟

題李崑堂

象秀詩艸後與余歸校詩艸

木瓜園接藕花隄多少垂楊拂屋低遙想先生高臥處  
春風吹滿大湖西

崑堂居湖西之木瓜園及門者衆

文章佳惡少人知拋擲床頭幾卷詞只好短檐妍日下  
自家吟唱自家悲  
自是春容一代才詩大難容有是哉畢竟塵箱囚不得  
虹光隨我渡河來

與曹杞山

乘大

李梧隱同至太液池觀玉竦金鰲

橋命韻同賦

異境重重豈易知再來纔得到龍池文玉圍大容魚躍  
漢帝林深得鴈奇窈窕樓臺含遠景玲瓏樹石弄幽姿  
此間一日饒千歲富貴神仙兩有之  
鸞輿鳳蹕此逍遙天上人間第一橋臨水偏思華月滿  
憑虛徑恣彩虹消千家金碧圖中出萬樹玻璃鏡底搖

惆悵何年歌湛露紫光樓閣鎖寥寥

梅花次耕石大人韻奉呈

羅浮仙夢久銷沉空憶香田萬樹林驛使新傳千里信  
閨妻宛對百年心玉河水暖春風轉銀漢星搖夜景深  
鼎寶應知儲望遠吐茵今夕恕狂吟

水仙花次韻

六根磨洗萬緣沉冰雪孤芳擁石林洛浦步塵猶有態  
漢皋捐佩舊無心不資片土生涯澹惟許寒泉氣味深  
想對仙花作仙語五更風露獨清吟

佛手柑次韻

遙想吳霜點客衣長淮秋色厭船歸真形髣髴驚初見

圖譜商量認却非玉指西來塵幾遍金身東土現曾稀  
東國無此種屋有携盆東不出者皆不能過山海關真如后皇嘉樹不能渡淮也私憐白首叅無  
隱撲鼻天香細細飛

奉和寧齋次徐頌閣編修見贈之作奉寄頌閣

易識仙屏紫籙東文光徹字似垂虹高情配月千秋見  
正路如天四海通一代篇章求最傑百家門戶貴持公  
雞林愛繡香山句今古悠悠此意同

滄海橫流處處於拘墟那復講河渠千方燁燁傳音線  
萬里闐闐運貨車倚相無心談往籍史皇斂手縱羣書  
天機泄盡雷應復諸夏何曾有不如

嘗薄花溪語欲驚偉人從古厭詩名佳談偏是無心得

蕪句何妨觸手成佳月追隨如宿夢寧齋於上元夜步至玉河橋欲遂至

上元陪衛山尚書至此恍如夢境異年點檢見溪情搏

桑小海偏於左願受羣流大地傾東南語

海上茅廬署又琅阮堂先生書又琅為有中州一瓣香

蕉石圖知通幻界維摩像紅蕉阮堂珍藏梅花賦愛鍊

剛腸祗憐聞道如捫燭敢擬窮河到濫觴知否遠來勤

苦意玉函書裏揀仙方

洪右臣太史良品作東方使者行贈耕石樗村寧

齋三行人余依其題次李薌垣中書有菜贈寧

齋侍讀韻奉贈寧齋走筆一

東方使者貌如花就道氣與秋天賒鶴野風高捲征旆

古飲堂文草卷之十三 十一

馬嘗江細不濡車隋唐戰壘連明季眼界逾恢與逾加  
我讀君詩如讀史盡去庸腐揚天葩袁楊戚李袁崇煥  
楊鎬戚繼

繼光李

積勤苦至今一片餘風沙祖氏

祖大壽

牌樓石

崔嵬

字道

當年伐鼓樹高牙敢道哲愚俱塵埃形毫千

載分龍蛇最惜

烈皇圖鄧治顏天無力補女媧葦路

藍婁

啓楚業至竟功成軼姬家試取二代論得失恢

廓疑忌毫釐差虞秩鴻濛厝貌新秦城窈窕栖昏鴉

聖朝綏遠來梯航壞堞不補同籬笆灤河之水抱祠回

墨胎雙節何其姘孟姜一個女子耳芳流遼水共無涯

屢枉 翠華臨古地煌煌 寶墨隆褒嘉千年秋艸昭

王墓行人指點增咨嗟金臺擁篲有遺謨掛秦何必求

鑿鄒始知財神最尊貴比肩關聖班釋迦文昌高閣浮

雲表牖人一訣思無邪此境爛熟交冠蓋獨開新徑出

褒斜口岸一帶簇舟楫 皇居九重窺闔闔天上瑤京

那盡述蓬島閨苑籠煙霞使臣束帶擎國書大官將禮

臨府衙拜稽起來重怙悵鼎湖丹成已陟遐百歲燈霄

俱不舉朝衣如雪皆縞麻得交鉅公不鄙夷此事歸國

差堪誇下車先訪徐孺子徐侍讀都號居士正聲六代

靡淫哇纔證新知懷舊雨冰霜數斗怡庭茶頌閣云趙

喜糖霜茶飲至

相逢便呼李謫仙四明狂客非子耶小

數斗並噉

齋茗話自溫存盤饌無乃太豪奢 上國長春信不虛

青青竹筍紫姜芽藜蒿蔬苗皆新摘蘋婆珠帳橙橘楂

百果總非東方有徵典何暇及魚鱖談次多徵物名尙多

赫蹏問訊無虛日館柳重嘶白鼻騮珍珠百笈當紵編絡繹意似猶嫌些衣材近貨不敢拒推孝願君奉孃

翁前攀後提幾朋輩聲氣相聯如蔓荏子騰張侍講家

下筆清且麗其如肺腑本槎朽手中自有百鍊剛妙法珠玉為文絕淨

先求澄滓濟便許大筆序行卷行序

夸鄰垣藻思本天然仙姿肯需脂粉搽渾噩嫻娜各殊英年富著

裁異哉宗門傳袈裟開所取士後農補綴

述識臻精確氣橫筆洪石臣敖賢號二公晚相識字字淬鍊九華砂京士

同種蝸非無文章他棨老之周此部手法妙圖章細辨蠻觸同種蝸

擲蠶憎蝦蟇長白老人成郛太守文擁萬卷鄰侯書架吳侯補

相杖杖春林鴻恩學畫能烟景我欲舉手捫窿窪京與

村吳資政諫春海吳給諫奏章聞海外家學砥礪無點瑕峽

求本翁摘類令郎捉刀細梳爬往春余以韓四客批孝侯冠鈺少司

侯冠鈺少司博學主壇拈扶風帷帳垂絳紗古文時製各造極利器藏身箭在韞又如宿將行節制指揮萬夫寂

無譁古歡老子頗偏強桓門稽首稱侯巴萬里青眼張平子張員外

約我轟簫笳尋思此事兩難就且據君梧結吾跣興酣娛賓作大字椽筆懸

娛賓作大字椽筆懸臂如揮柳瀛垓書家推威堂申尙

如阿所好人疑汗今看落筆始肯信以手摩挲口角呀  
我觀世人習書訣婢作夫人儼六珈掘地九仞竟得泉  
驗君積勞費罄鐻聚見兩稿盡一卷以道中唱批墨紛  
紛橫且斜自道賞音無如我便將白雪酬皇蓉二十八  
宿傾蓋錄行臺頂蓋錄共有二十八一座交映青紫綯  
老宿旗鼓包漢宋諸郎閱閱盡瑯琊譚經論史窮奧妙  
偉哉此言手頻叔評書讀書無不宐山水翎毛兼淺蘧  
每愁薄暮下魚鑰恨不徹宵燒羊羝冠傾腕脫復不顧  
幾場歡謔相揄挪老夫旁坐百無能干城列坐雜兔置  
枉費吹噓堪服乘其如素質是麝香一路唱嗎差為樂  
臭味偶同如嗜痴入都冠帶已虛冒捉椅談笑更無遮

問持何物易希寶中朝諸君子屢贈詩紙裏不辨鈔與  
鏟古人貽我游世法只携一筥指生疤自笑臨文無奇  
訣組織相交白與緞萬行未免仍多累此生現作十子  
紀釋奠普賢菩薩誰云遠道離別難暫似羈鳥脫雕笄  
如此頽景復何為老健不堪馳皇馭隨君周灘見振鷺  
既醉旨酒飽鱸鯊白衣烏有聞奇話寧齋衫袖誤染墨  
鳥有先生為舉酒大笑翻瓢椰大匠舉重轉轆轤病羸混  
眾同呼邪盡去畦畛為坦蕩何用城府藏谿訝政有一  
事共商量向來中夏交槍鋌戢內禦外霄衣勞將士蠶  
虱生重鍛細思致亂誰任咎絕無好兵與館娃只緣外  
夷故滋事利義異趣相叔捋天下宜憎亦宜貴小邦多

此髮鬢誰將醜類盡驅除快如牡鞠洒羣蛙不然干  
羽舞虞階臯音盡變爲鷺鴛往往戎機失於近不妨左  
腹詛雞豸堅持廟議消伏莽謂文一濡 皇恩如解枷  
小邦隱憂尙難釋有盜伺門誰能拿民不見兵二百年  
沁擾幾致魯人鬻上下同心猶可恃豈無勝筭如投礮  
鸚鵡文章究何用愁煞鼓吏漁陽搗觀風一語重鼎呂  
奇談妙藝同芭苴國器如君承家傳濯濯神駒出渥洼  
揮毫頃刻唱風騷羣公傾耳踰箏琶名臣見事須及早  
物理無窮如析蘊潛沮駭機折亂萌尙有一路愬 天  
家天朝名論超衆見譬如青蓮出泥涂守邦禦敵有長  
籌得之可以載星槎三百皆爲專對用矢詩勉君追皇

華勉哉東方使者貌如花四海看君年少此役追皇華

詠史

重耳返國日舅犯臨河辭老臣一腔血誦言堪涕洟許  
久負羈勒亦有辛苦時豈能無讐言臣罪臣自知罪以  
要其君萬死又何詞世人少忠厚苛論或堅持言之故  
無益節節反滋疑肝膽照千古無故自生悲  
永安是何地君臣永別時握手吐一言君可自取之言  
者寔無心聞者豈不危願世肝膽交慎勿費虛辭  
范蠡沼吳日渺然獨長往文與事俱奇誦之神忽旺千  
古辦事人心地先清爽共苦二十年寧懷富貴想或云  
五湖舟去日載西施二策竟盡用屢致千金賞龍門三

長史亦有不可知蓋非兩截人此說尙然疑豈有真陶  
朱於貨妙握奇鷗夷寔冒蠶豈變鷗夷大夫信清高  
倘爲好計累往哲有大節切切議其私信筆已完足  
齟齬其遺使我代蠶計定當高一著史公要我贊應不  
贅此作

哀騾

衆女聞成國車騾盡牝貞爾德誠可嘉爾勞乃非輕衡  
輓無時免芻豆充所營得之厪止斯不得定忿爭安坐  
車上人亦太搖其精作詩宣騾意感我有同情騾若信  
余論聞之應一鳴馬鳴法衆馬悲鳴筆墨自不靈無庸罵  
畜生

哀禽

潛陽發地底冲澹無形器巧禽游田中獨驗春氣至氣  
隨時漸高乘之可遊颺決起搶虛空直上踏空翠兀兀  
半天中移時不遷次衆羽皆橫飛盤旋始高寄無援卽  
高陞百鳥無此技爾彩旣班爛爾音又清利遠聽兩相  
慨奈欲薄而視不虞有網羅歸命一好事雕飾以居之  
器具皆殊異昔勤求一粒精鑿又豐備不復堵手口安  
坐以飲食爾體得所養爾羽何乃瘁禽言吾未解得無  
非汝意長天翔寥廓倦卽控於地其地又平曠佳氣之  
所萃茂林與長川優游以恣肆昔我行其野歎羨得高  
致誰能此羈繫動遭相觸刺策應非爾求累豈無所自



益信文焉用反覺舌為崇靈機自不泯為汝宣妙義眼  
閉兩脚直古訣傳五字此是出籠計還汝青霄志

但鷓鴣過脚西來意爾我個用計達摩  
死出外語云上相與款嗟騰我即從掌上奮然飛去青

老懷有難釋然者不已于言

聞道苦難早求師走入絃天姿誠暗劣見處未分明猶  
願遵詩禮粗知畏法程甘心居污下難受異端名

昔有人談學惡言及我師盛氣與相辨歷時心不怡自  
傷非季路何以答殊知關弓豈兄弟使我增涕洟如今  
尤老矣一笑以消之

太陽流如珠常欲與人離此言誠臻妙不妨求諸夷但

恐為夷者無能道此奇何人習夷學乃能攝其疵精室

宜堅閉正論自軒岐操存舍則亡吾亦聞仲尼

太陽二箇字不見於古經後有注易者奉以叩玄扃丹

家戒承珠凝流固其形堅閉守精室可以達黃庭秋翁

寶二說往往述模型但此二句話太陽流珠立雪未承

聆寡陋昧所據旨義聽非熒先生積忤時言之涕泗零

危機迫呼吸法吏對府廳纖毫涉疑似謂國有常刑何

惜不為此厘止流重溟終見與湔滌名位配月星滄俗

喜妄傳附益於杳冥筆札尤濫冒疥壁復穢屏世有具

眼人自能辨渭涇皓白不受污公性類楚醒所以寡諧

好憎者幾盈庭無辭不典雅穆如風冷冷雖欲不愛之

自然欲叩廷猥余慕乘桴南北共浮萍修名不能立冉  
冉及頽齡縱難策附驥願勿負囊螢人生過一世畏途  
如踰陁非與妄人辨庶備達者聽

張慕槎侍講

家驥

向寵以詩昨又臨館行臺亦有

和贈順鴻並寄求正

刁參萬竅一時開恍接仙飈上嘯臺天意非慳同志樂  
世人那敵軼羣才猶龍鍊道難防笑至聖刪詩不廢哀  
兒女風雲多少處怪君氣味帶秋來  
天駒墮地氣昂昂夷惠均裁善處鄉絕代才情空藝圃  
盛時宦業重書房求交海外曾希有傳道東方摠不妨  
衰鈍寧移絃指妙辛勤萬里負琴囊

也似浮沉也古高交情領畧幾緜袍命依棧豆休重戀  
身與車薪亦已勞大地干戈愁蟻矇一天風露化螿螯  
技能百事都無挾遊戲人間幾寸毫

上清風月試燈天重到河橋却惘然萬里遊踪來駿市

百年豪氣負龍泉同來宰相知今狀

謂鄭

歸與兒孫

說此年縞紵論交琴畫賞風流比昔較應賢

並用大集詩存中韵

奉贈徐頌閣侍讀為別

去歲入都無一遇意中如有再來時今行結識眾君子  
一決茫茫無後期老去筋骸非我有悲來肝膽得君知  
欲判未判重重意非為人間怨別離  
重邀滄海送人詩好伴春風返國時此老疎狂猶有遇

異年歡聚恐無期微踪無與當時事片語堪徵後日知  
遲暮空懷悵悵意東西溝水四流離

東人之禮於所敬不敢捉拑並坐李薌垣中書欲

用蘇明允與宴故事余不得已逃席黃少司寇

銜徐頌閣吳春林鴻懋敖册賢皆以專席邀話

榮遇踰分愧不克當以筆代謝

自道中年道粗成蘇翁氣概本崢嶸豈堪此日韓歐席  
位置東方一老生

十駕難追一日能老年無復志騰騰孫陽暫顧誠非分  
愛驥公然及凍蠅

東海宗風未寂寥弓衣繡句倍前朝瀛壖詩派叨相問

我是街頭踏竹謠

新羅人以竹枝踏節而歌

桂苑高才有筆耕傳衣無數贅聲明皇朝正雅新編輯

僅止寥寥數代英

主簿文章四海驚詞源混混赴時情却遇布衣叅宴日

借人佳句示公卿

佳節偏從愁裡過壯心還倚醉中來是唐人句余嘗筆話存急又信明允

共倒喉絕

頌閣先生又惠贈言走毫奉謝

萬斛珍珠載向東祥烟非霧又非虹徧地人生宜局束

上仙耳竅自圓通一斑窺好夸同學百鍊功須藉鉅公

四海弟兄俱在此相憐只在寸心中

往別黃少司寇歸憶談艸爲七字求教

絕無機巧只平常信手拈來義各當知是大家規矐在  
勸人盡捨小門墻

箇中甘苦自家嘗惜我衰年走四方談到遺經平漢宋  
又拈一瓣袖中香

西北東南隱有難賈生無策講治安當時苦一中行說  
五餌猶堪設釣寬

同城虎視尙耽耽終事優容轉不堪章奏知應傳海內  
無庸此席秘閑談

長白叅天遠發祥西山械櫟盡輝光金墉忍受潢池汗  
廟筭重勞設巨防

天上人間避暑莊何人敢盜御荷香庚辛近事倉皇甚

時開寧古三姓  
地方有寇警

移蹕猶資趙晉陽

天津百萬峙嚴防一接如何厪北塘中外同濶當日根  
元勳轉躬失汾陽

未見今時計策良急治緩督議差強選方非乏三年艾  
歷代謨猷一轍忙

盛時宦跡近樞垣設策匡時異罪言難道不關中夏事  
諸公何以慮東藩

燈下

關河渺渺歲華忙一點孤燈客緒長細究此身非我有  
世間萬事盡毫芒

出皇都感李薊垣中書贈言漫成長句

後車猶是布韋榮再到中華略見情伊野昔年微被髮  
陳壇幾處過頽城兵機未免多歧誤朝論猶持一綫清  
慙愧香公談四策出門珍重勉修程

隨喜出城春冰已釋

一瓣心香兩膝膝老年志氣尚騰騰世間多少經心事  
都付春風昨夜冰

奉和行臺出都

使車二月發皇都惻惻春寒未肯無一路儘難齊苦樂  
泥深如海雨如酥

奉和行臺道中作

館中日月爛樵柯纔出都門感物華小雨陂塘皆送水

輕寒草樹盡胎花西園飛蓋懷明月南浦離觴恨綠波  
紵縞非資談笑樂皇華四事問如何  
原濕悠悠雨雪多仁天作意賜清和  
曠隴遠樹蒸春氣  
激灑空江抱日華希觀恍如經玉圃遠游真似泛銀河  
柔翰灑壁非無賴留供來人一笑譁

還到通州

此是畿三輔宜觀上國風地倚 皇居重江連  
聚路通  
堪歎城已惡獨擅貨爲雄回憶庚年事難爲保障功

八月僧王自天津退鎮通州以待和議之成

楊柳詞

盡日長堤作絮飛黏泥濡露過江稀今宵吹上瑤臺頂

不道東風力尙微

趙小荷使相囑修郵筒故事行旅忽忽未付一詩

道中稍暇輒成絕句

金閨學士美風華福曜祥雲庇萬家却見肝腸俱鐵石  
廣平有賦是梅花

文章報國願如何繼武詞垣起大家莫擬曲江風調好  
異年名業較伊多

石瓊百尺仰飛流林館招涼記舊游歸與香田農客道  
前宵樽席見韓歐

郇公黍雨邵公棠沛澤悠悠達四壘却憶去年離境日  
滿城鼓角見民商

涓江春水膩於羅碧漢仙遊共一棹擬借冰絃三十指

樽前細譜綠添波

幾宵玉節淹龍灣冠蓋今年足往還只是微踪仙分淺  
筭與不到妙香山

動被人詢國又安遠聞意似闕危難臺灣近事情形異  
試把中朝作樣看

寧齋信有好文章雖在中州亦擅場麗藻廣延華國譽  
東方君子有歸昌

薊門道中

軟沙輕輦緩行輞醉睡纔醒出薊州稍暇不妨多補作  
再來仍有未全酬古今盡昧前車戒中外同深伏莽憂

惕號無用妨酣寢權作人間夢裡遊

薊州雜絕

重重穿過了難猜異境憑高一望開要見玲瓏烟樹妙  
須經身到薊門來  
秣馬膏車約共還昌黎費筆鴈盤山中條自是神仙宅  
小李何緣老此間  
古佛耽空睡起遲尋常認是醉菩提錫蘭山裏真身在  
宛似當年入寂時  
青蓮道是謫仙鄉薊門隴西紛相攘公是鄉人何益汝  
世間公物惟文章

玉田縣北宋小坡舒怡書莊

戎臺百尺望嵯峨翰墨知名又小坡三到如今謀半面  
中朝結識故難多

枯樹店

開府才情盡征西涕淚多樗年空老大榆景已婆娑爾  
壯無人見吾衰奈若何仁天多雨露猶望有餘花

豐潤縣趙靈王築城古地

翩翩帚帶盡戎裝豐潤城開閱射場預兆中華千載象  
何人敢笑武靈王

旅次無寐寒月正明中夜獨興無處可往偶聞沙

上水鳥聚鬧輒成長句

鼓漏沉沉睡味溫五更無處叩人門一星漁火沙村路

惟有羣鳧岸上喧

永平府謁武成廟

達士寧為富貴謀高才不遇意先休西岐北海從飄泊  
此老何曾解釣周  
四海嗷嗷不自聊漁磯信適獨逍遙後賢苛摘夷齊隘  
不貶周師翊聖朝  
二老無歸四海傾間謀幾涉聖人情蘇翁未脫縱橫氣  
尚為伊牙說得精  
怕說風雲老遇奇閑踪不敢混漁師丹書幾句傳心事  
演作遊燕數首詩

灤河謁夷齊廟

雙清祠屋帶灤河澗灑青銅靜不波莫以黃流誇勢大

此池一勺勝渠多北方諸河此水多

世界區區豈足爭厭君重諱篡殷名當年此意無人會

只有鄒賢認子清以臣試君一語直擬其墓

託興西山可遠征離騷香艸感幽情世間烟火原無累

却得千秋餓死名

亞聖喜論二子情君民二字最分明悲歌遠引虞農世

願挽澆風返太清伯夷不事紂故避之海濱所謂非其君不事也豈有反為紂效節之義故

又曰治則進亂則退

莒敖公臣死不知此情憤激更堪悲夷齊無怨分明說  
君子猶云隘不為



纂綴遺聞注軼詩史公持論尚然疑贊揚本自經三聖  
萬古綱常不著詞

壽世文章有重輕警言敢與史公爭屈原沉死夷齊餓

二案千秋斷不清靈均之不沉湘  
前人所不沉者

尚父繆幽二子清極相反處最相成紛紛天下宗周日

早判千秋義士名

感念相知一死輕君臣朋友盡同情此情四海無人惜

使我寥寥擲一生

干辛不死死於姬此義攸當亦可思昌言叩馬當時事

左右兵之所不辭太公扶去  
四出意表

大老行藏閱幾時武王應是最相知期君遠在唐虞上

忍效鳴條昔日為

勿恃臣綱有八垠那將此語達 宸聞吾憎世有工諛

輩每以常言悞聖君

行臺歸談角山之勝益增健美

東歸客子意茫然尚有名山未了緣一上昆盧中譯  
絕耳應

更好再來華夏豈非顛髮疎仄日崦嵫外襟快長風渤

海邊怕悵春泥鴻爪淺厖留殘墨記吾年

關外奉呈行臺

春雷行地底車路戒墜窪新水纔通窶餘寒尚勒花求

丹懷壽國彈鈇懶為家萬里銀河影隨君一汎楂

漫成

邂逅中朝士初筵各問家蜀棧放金甬賢冊湘雲張慕槎  
家仕宦雖云樂別離亦可嗟三千幽薊路愧我認天涯

沙河

悠悠向東去出日在人西馬齒登登石禽愁滑滑泥遠  
煙耕蔽岸高樹釣臨溪五穀不分者此津良易迷

追憶別時繾綣之情黯然增懷

子韶坦易由天性叔度敦醇戒妄言年老况兼時事棘  
不勝招悵送征轅

籌滕二語太平常弱國情形亦可傷若執中朝成敗跡  
當時歧論足凶羊

臺灣近事復多端三案難憑外國完邸抄千張無一語

箇中機括試參看

答道東人徹底癡不將身命計安危小邦衛道聞前古  
一著終酬四海知  
拜受薌垣四策良多般甘苦繫曾嘗恠余十襲人爭覓  
紙上陳談不再商

廣甯道中寒食

寒食風光處處新棠花照眼忽沾巾三年芳草天涯路  
最羨全家上塚人  
烈士怨言非爲祿但邀念舊勝除官宿艸繇山回雨露  
世間何事食猶寒

醫巫閣大高山

巢雲松頂絕風埃到此胸懷始一開歸去應添腫裏碧  
唐虞古色飽看來  
磊落虞封十二山醫巫閭大鎮夷蠻秦皇自喜兼三五  
退守洮遼萬里關  
左海雲山興已慵老年尙儂躡仙蹤世間榮籍何須羨  
名在蓮花第一峰

桃花洞

瀛壖使者遠尋真萬樹瓊華一塢春靈界休嫌車馬鬧  
盛時那有避秦人  
清溪曲曲駐征車爲訪仙源萬樹霞芳草池臺春尙淺  
權將晚雪代初花

惺惺

捨已憂人意更癡惺惺那似百無知通宵睡味從人買  
不惜傾囊以易之  
南徼冰霜二十年蘆花被薄擁高眠今宵枕褥回春暖  
却喚惺惺伴曙天

泥中積苦以車涉河且虞萑蒲

救溺呼邪集衆車遼陽千里半沮洳東風又送黃昏雨  
酒醒天寒路黑初

乘輿濟人驗政謨濟盈那得又防濡從今怕說中原勝  
昔日康莊盡畏途

虞之


騎馬賊沿路橫行至掠皇都保定門  
外幾處舖舍多恐此路有不便往來

還渡

一粟中開世界寬  
多生閱歷幾悲歡  
此身未化遼陽鶴  
只為寒巢在紇干

東 庵 州

廣州金宏集署



天風浩浩雲濤汪汪濯我素錦煥  
乎有章乘桴非願披髮非狂東游  
之作使我澁傷

門人朴章煥拜讀

讀書破萬卷遠游窮萬里子載志  
沿人知有古秋子

經齋後學吳翰應

古歡堂收艸卷之十四

天水 姜 璋 慈 配 著

完山 李建昌 甯齋 校

蓬萊 鄭萬朝 懋亭 編

東游艸

澁澤別墅次韻奉和

星槎萬里伴行旌隣好維新海宇清託命朋交天下小  
留心國事一身輕支離膚見多拘跡齟齬毫談豈盡情  
我欲從仙天外去長風一嘯下蓬瀛

奉和大使次宮本大丞韻却寄

原隰悠悠載後車滄溟無際感拘虛情來吟晚天開後

薄見蒼涼日上初古址如今悲舜水荒祠何處模秦徐  
晨窓尚憶童年事苦讀伊藤字義書

尚有遺澤  
故居猶存

明季朱敬授日本遊入

老懷歷落感風雲萬里隨槎廣異聞秦世同憂蠶食事  
韓人不讀蟹行文但須密勿聯三國何至紛拏動二軍  
我有繞朝鞭幾尺臨歸珍重欲酬君

赤馬關次韻和張甫

萬里搏桑老問津浮生尚有喜懼因紅燈綠酒滄溟夕  
不負同爲一世人

欲涉滄溟未有津海山兜率溱前因如今纔躡金鰲頂  
天外佳音慰遠人

和池松邨

錫永

域外纔成汗漫游天風萬里嘯長舟天應有准函羣象  
海自無涯受衆流烟水茫茫迷故國光陰滾滾換新秋  
書生一世無今日只恨蹉跎在白頭

步至東照宮園憑高望遠卒成二絕驀然有乘桴  
遐舉之想不覺汪然下涕臨風一慟從者愕然  
止之

東臨碣石觀滄海橫槩高歌幸至哉萬里搏桑來放眼  
書生此意亦堪哀  
丸毬小地幾人裁杆却英豪一代才回首辰韓如點墨  
不堪重上望鄉臺

高陽居士耕與其室玉舟女史初見各寫梧楸為壽倉卒口號酬謝

百尺高梧覆綠天枝間雙鳥意相憐人間最有同棲樂  
恨我差他四十年  
燁管軒中玩物華亭亭一樹老煙霞殷勤期望還慚愧  
著否清寒歲暮花

桂閣索書自作詩楹聯一對倉卒書應足成一律  
長橋幾曲抱城迴水木清華絕點埃細閱圖書清闕閣  
橫吹簫笛妙高臺功名易了前身事志氣難消一代才  
遠客應添他夜夢天風環佩集蓬萊

鳴鶴集後奉題

早歲才名四海聞邵年艷福更超羣梁鴻對案談家務  
蘇轍聯床著古文聞法人登歡喜地養和家現吉祥雲  
斑衣又世青箱業滿袖携歸黼座薰

次韻和龜谷省軒

軒帝垂衣裳其始制五兵秦皇鑄金人其終燔五經此  
事端倪誰能測誠看今日環大瀛但願彼我共太平勿  
論誰絀而誰贏戰歎如今兩議行我又不願居其名童  
習白紛竟如許誰其信者二書生舉酒勸君君莫辭修  
文振武屬群英

興亞會上屬題

鯨海鴻泥跡易陳臨歸一語見情真易持時論人人別

難識天機日日新  
嘉落英豪同所見  
尋常恐懼亦相親  
當時代弄關東事  
六國安危不在秦

臨行思與諸公別  
後會無期懷緒惘  
惘寄呈鴨北大丞

路入搏桑事事新  
車嘶舟嘯到橫濱  
干戈尋衅同洲險  
玉帛論交四海親  
未恢殊邦求博士  
還尋古道伴行人  
騰騰一世浮由願  
孤負當年呂洞賓

立車示慧淳師

禪樓淹日研究生  
塵不作新詩不接人  
杜宇空懷一腔血

寥寥緘舌過殘春

舟中漫成

文章軼世黃參贊

參贊官黃遵憲中朝人

籌策匡時蒼大臣

太政大臣

岩本俱觀一語曉人應若是  
皇華有體在諮詢

神戶贈別

畸人詭跡易然疑  
朝野功深世不知  
柔櫓一聲人萬里  
渾如湖上別鷗夷  
別語蒼茫意可悲  
袖中一紙見鬚眉  
不須想到淒涼事  
我以黃金鑄子期

漫成

恬波萬里鏡光開  
珍重仙楂往復來  
已有文章驚絕域



更輸籌策淨邊埃兒童歡喜迎旄節故舊殷勤接酒杯  
縱筆論交非曩日弓衣佳句盡情裁

海上龍鐘老布衣曾叨槎尾縱觀歸但驚上智能開物  
縱有奇談未解圍泥雪不堪尋舊跡桑榆容易掩餘暉  
一緘紅豆煩相寄送到櫻花樹下屏

結句懷人長

東遊續集

廣印社

東海洞石  
梅下學人丁  
家自琴日集  
龍

古歡堂收艸卷之十五

天水 姜 璋 慈 岷 著  
完山 李建昌 甯齋 校  
蓬萊 鄭萬朝 懋亭 編

東游續艸

道中和同伴

吾鄉多善士志氣少如君眼納三千界才優二十分  
頭滄海日天際太行雲此行須博學天下未同文

主屹關

百折谿流萬疊山孤城一片在雲間龍蛇往轍分明在  
早派英雄鎮此關

釜山港乘船

崎裝到老不知休再上滄溟萬里舟季札常懷觀國願  
陳湯豈解出關愁蒼涼日出搏桑外窈窕花開鐵樹頭  
寄語麻姑留眼在看吾騎馬過瀛州

長崎舟中見家兒書余間蒙 天恩授繕工監假  
監役之御感 恩含涕率成一絕

七十山翁一命啣忽聞涕淚滿征衫寒門近業傳弓馬  
儒素 恩光分外覃余自變業應武試以來初得儒門宦名

永松豐山長崎之蠻長也贈詩求和

普天宜笑不宜嗔况我交情是近鄰一見便談當世務  
知君興亞會中人

只將意氣許相同文墨多慚老未通假使毛錐能盡技  
雕蟲原不弄英雄

次韻酬孫靄人士希教長靄人者金陵人客游長

崎為縣學教長偕豐山來訪以春柳詩十二首  
見示清調雅韻無減新城

靄人先生之詩無定派老氣崢嶸九州隘靄人先生之  
人有定品薜荔為衣餐沅澹四裔皆識先生名辭祿求  
志氣韻清附至侯補知縣因附舟曾到辰韓界抽毫意  
欲交羣英相視邈如風牛馬同文難憑今天下鞮譯象  
寄安所施揮斥無由一字寫搏桑之國接人寰邇來冠  
蓋交往還自然鍼芥有相投得與先生承玉顏三寸雞

古雅堂此草卷之十五  
二  
毫替口耳遂令季子歎觀止敲金擊石樂一終挖雅揚  
風談四始自我學藝論文無此人我如二豪君伯倫寸  
心未降徒自苦俯仰世界如微塵逞逞異趣在同席須  
眉相去無一尺以神相遇無遠近九萬里天連空碧如  
今海面禁初開八水三山幸至哉四海求才來徘徊高  
才不能數數見有一孫先生不見用誰爲天下惜高才

神戶有金江氏其先朝鮮人也業造本國古制砂  
器獻茶盞具臺二坐志不忘本也賦咏以贈

記曾驅馬過遼陽蜀黍胡麻接渺茫獨有高麗莊外路  
水田如衲見思鄉

遼東大野無水田  
高麗莊前有之

浙江布衣徐訥字善侯號認庵善六法詩詞亦工

賣畫以資客遊寓于神戶華商章韻洲家以書  
來求交且贈山水一幀自題絕句並皆佳妙兼  
求書畫詩章率占一絕以應

荆關畫筆隱侯詩勝挾他家十萬貫四海縱遊無不得  
鷄林亦有繡君絲

有馬郡湯泉和鄭南皋

乘夏

三山烟霧翠霏霏喜到靈源洗浴歸石壁空青通鳥道  
溪光淨綠染人衣櫻園葺葺新花發板屋森森老竹圍  
最是東人功德事巖泉引到萬家飛

大阪城

豐臣古堞尙峇嶢淀水縈廻帶一條三百六橋明月下

倚欄夜夜聽吹簫

畢竟尊王大義明楠公祠宇晚崢嶸嗚呼不是詞臣筆

滿路行人口裏聲楠呼子忠臣之墓

雨夜漫成

刁騷篁雨響虛堂酒後公然客緒長非為老年偏少睡

每懷時事太無方鄭南舉購買器械延請教師之策果

俱若無貴魚鬢綠浪連空碧鳥背青天接渺茫懔懔一

生無好興偶思濯足到搏桑

西京智恩寺訪徹定上人

太華西南古洞天禽魚花竹擁金仙別尋富貴人天外

白首來參徹頂禪

靈威百劫護琳琅有福幾人開寶藏賴有水田津筏在  
拈香萬里古經堂

有人述睡隱先生事率成一截

海上看羊歎式微中郎老去未懷歸我來好覓仙鄉睡  
無碍東西一布衣族祖睡隱公流寓歷壬辰之難被拘

錄

遼遊州

女子方寸無量  
 洗理放雲冷  
 臨方性理有青  
 濛濛一篇七雅  
 龍管鳳管應天  
 弟子雲心蓮池  
 是也



古歡堂收艸卷之十六

遠游艸

自日本東京擬回國至赤馬關聞國中有變一行  
 詣山寺慟哭遂爲編服金虞候鄭司余有  
 遐舉之志率成長句

日邊消息使人驚遙倚西風涕淚傾家室蒼茫何足問  
 宮闈震盪若爲情匡時未任夷吾責辟世空懷仲子清  
 筇竹一枝蘆一葉棧雲閣雨且孤征一節一屐捨中土

天水 姜 璋 慈 岷 著  
 完山 李建昌 甯齋 校  
 蓬萊 鄭萬朝 懋亭 編

乘中國人所僱德人船離長崎向上海舟中感念

中國領事余元眉錫資送中華之恩輒成一律

示韓真齋昌律韓君以英年二十歲負奇氣有游

歷六洲學成一藝之志遂與余同行

萬里論交一笑親崢嶸老氣薄秋雲千年紵縞追前輩

四海梯航濟遠人搖落關山悲失路周流溟滢笑知津

巫岑湘水三生夢纔把身來補墨因

舟行一日夜聞過朝鮮境

風雨連宵浪接天臥聞舟路繞朝鮮可能遼鶴歸來早

城郭人民勝昔年

余中翰有書于上海駐紮江蘇蘇松太道台邵小

村友應大人託以余等行事又託招商局總辦

徐雨之潤鄭陶齋官應二大人文報所王先生

以爲介紹宛轉周折至此不勝感激清晨舟泊

上海碼頭定寓館于興聖街京江棧直詣招商

局文報所王先生調病在寓館鄭大人邀見納

書于道台轅門明日邵大人設餞饌邀見禮遇

極隆荒遠之踪有不敢當韓君欲留上海教人

韓語爲資身之策自以餘暇欲習漢語兼習番

語庶效異日國家之用輒陳此意於陪席邵大

人初若靳之明日諭令往謁機器局總辦李勉

林與大人明晨依諭往拜細詢來由周詳欸



曲有愷悌之風亦設盛饌以待諭以少俟明日  
李大人因緊急公務駕往金陵還署翌日又赴  
杭州在冉兩旬還署次日即蒙邀置署中盡清  
棧舍盤費新備臥具寢處飲食一切華美又慮  
衣單親問着否華服對以無碍但携有舊衣得  
絮可以禦寒又即賜絮與帛有挾纊之溫局中  
諸君子多賜光臨晨夕源源周旋翰墨渾忘羈  
旅之况寔為東遊以後初有之勝事感頌之極  
欲述短章略抒鄙衷隨得隨書概無次序題以  
楊江截句以備諸先生一粲云

自笑三韓客子擬盡忘故實也為詩遊踪今古同怡悵

楓落江寒正此時

楊子江頭楊柳春楊花愁煞渡江人

每詠此詩誰能舉

我翩翩袖舞徧東風萬樹津

萬里畸裝已可悲年光况復薄崢嶸一生多少經心事

落落江湖說向誰

嗣宗襟抱本恢奇何至窮途慟哭為我無一擔澆胸酒

尚有千家得意詩

邵友與李鏡

中州兩鉅公何緣知有老秋翁轉蓬還與長

風約一被吹嗟上碧空

仁平港口有歸舟寄得家山一語不自泛三湘五湖水

東方心眼付東流

奉和單槎仙

秉鈞

先生述懷

黃侍郎孝侯嘗以高

夫達

老年自學達夫詩豈以談兵罪牧之著述等身徒自苦  
酒杯到手不須辭尚懷袴褶依驄背羞與閨房畫蝶眉  
家室蒼茫烟水外竟無一字寄相思

樵柯日日悞耽棋局外光陰漫不知老杜一生詩遣興  
子雲無事字多奇早憐經術難為世自識容姿不入時  
最是人間同志好黃金吾亦鑄鍾期黃金鑄子期貫休詩

少小遠遊之興至老不衰脫口便作遠逝之語殊

可怪也向在京江棧舍倉卒應人求書亦有此

作

絮果萍因不自由此生身世只悠悠夢回明月千帆夜  
神旺西風萬樹秋自道陳良能北學誰憐李耳竟西流  
琉璃帝網重重現直欲憑高小六洲

程松韻

錫書

先生時主廣方言館舉比

擬將詩笈問津涯早有弓衣備繡絲門外雪深懷久侍  
坐中春溢近光儀方言已廣同文界玄艸何須後世知  
倘許名山帚展伴三湘六皖赴前期

奉和胡子和

文孫

先生見贈

殊疆阻海苦無因大道連天眾所遵各有胸中民社事  
願將宇內弟兄親文情似月來空際德意如春洽遠人  
衰質猥邀東閣眷問持何術答平津李勉林大八龍蛇

雀之効欲求  
先生指教

浮由身世喜歡因末路纔知海可遵仙署偶叨同舍誼  
聖時重結一家親豈能容易談時務正好艱難作道人  
波穢自知無定所願留殘佩在西津

在鐵廠四十餘日舊苦風火之崇遇夜輒說恐一

朝溘然貽累於諸大人輒又乞回諸大人愍而  
許之韓君又不肯獨留欲送回至國開春擬為

再來之舉時有 中朝商務大員陳菱南

樹棠

大人派往朝鮮之行上海招商局總辦唐景星

延樞

大人當為偕行故願與同舟陪往許之將  
由煙臺津沽回國得諸素願感荷莫名臨行率

成四絕奉呈李勉林大人為別

雲雷手試百工勤山斗名終四海聞蜀翁不識歐公貴  
排門欲獻百篇文

意欲搜羅一代才深知報國在儲材芳蹊日日春風暖  
引得遊人萬里來

先生襟抱自清閒家在三楓五渡間約束詩筇何處是  
瀟湘春水洞庭山

人道  
主人

李勉林先生貴府在洞庭南岸約以  
明春再來為三湘五湖之遊當為東

一劍風塵只崩巖馮生未必為家謀這回不入滄溟宅  
幾負雲濤萬里遊

和程松韻先生瓊韻奉別

萬里觀風換眼珠從今折節事醇儒光陰流水只淘世  
富貴浮雲何與吾歲暮懷人湘水闊明朝送客楚山孤  
聯芳自是騷人意勤採寒花寄遠途

過烟臺

到老崎踪尙轉蓬乘風又到泰山東丹書卷裏傳家法

萬古寥寥禮太公

余為太公  
遙遙華胄

海色黏天野望空泰山知在有無中千秋尼父登臨意  
天下茫茫一老翁

天津

萬里長風一葉植暮年得意泛天河六洲豪傑延同席  
東土倫文視一家當務救時防泄泄宏猷運世辦多多

君看今日中州事傅相威名四海加

天津歸後邀李取堂

源號

金秋棠

昌舜

白小香

春

培金肯農

漢宗

李小華

基

夜話

綏邦大事在西東海面交吹萬里風星漢浮槎千載後  
辰韓點墨六洲中商航載去春潮白詩笈歸來醋酒紅  
一語持將同社道車書萬國會相通

詩餘

蕭堂金文濟

餘波綺麗出天三一味悲涼掩抑  
中記得鵲橋詞裏詩人原合是  
英雄 蕙山金信榮拜讀  
詞者得餘全於替墨委曲纖穠有  
不可測維我先皇宋明嗣響一曰  
一吟天風浪

後學李圭炳南黎其香

古歡堂收艸卷之十七

天水 姜 璋 慈 配 著  
完山 李建昌 甯齋 校  
蓬萊 鄭萬朝 懋亭 編

詩餘

徐頌閣郵侍讀以手寫山水小景屬題次韻大著  
鵲橋仙小令請正

遙峰潑黛恬波淨綠添個花冥柳島茅堂位置盡分明  
祇難寫主人情抱 金蓮燭燼銅龍水咽忘却身留蓬  
島夢中依舊刺扁舟被人問歸來早了

頌閣侍讀又以賀子翼先生集見贈卽用鵲橋仙

韻奉謝

泉飛山立雷奔電激集中有忽幻晴烟裊鳥遙知千載  
賀先生定然具英雄襟抱 騷壇宗主風塵羈旅宛對  
昌黎賈島贈書人似著書人兩肝膽一時輸了

奉謝黃孝侯銜侍郎以徽墨見贈

薜蘿春早桑榆景晚相對情絲縈鳥此生會少別離多  
筭來怎不傷懷抱 非人磨墨墨來磨我筆塚高如烟  
鳥徽州百笏贈歸人吟箋上洒來還了

奉謝陳筱農福綬郎中以手書便面見贈

寫非烟霧皎如明月洒面涼颼裊鳥寶之欲過壁連城  
到字滅難離懷抱 虞公姿媚誠懸勅健况乃詩凌郊

鳥只應十襲護龍蛇定不敢把來搖了

奉謝陳黼卿錦猷戎部以尊甫心言先生詩集見

贈

老年筆墨一何豪健彌覺孤情裊鳥乾坤秀氣好栽培  
蘭階上豫章盈抱 笙鏞協譜圭章琢質不是寒郊瘦  
鳥鷄林携去繡弓衣併要乞金鍼度了

往春留蕪稿於吳崧村先生謙福乞批今纔遂願

志喜奉謝

人生一世悲歡榮辱摠是鑪煙風鳥刪留兩卷字蠅頭  
從誰訴百年幽抱 崧村夫子耆儒宿學望若滄波竦  
鳥休嗔白首去還來補一段吟緣未了

奉呈張五溪世準員外為別

服非華采容無脂粉自爾仙姿裊裊可憐人遇可憐人  
天街上相持相抱 臣居湫隘市聲喧雜也是珠林瓊  
島有情天接有情天大家是婆心難了

有時磊磊有時落落時復亭亭島島先生字態妙無窮  
如椽筆橫拖倒抱 法書一紙神交萬里渺若追仙三  
島也曾寄去也曾來想了了纔憐了了威堂尚書詩愛  
五溪書自書數

十幅寄五溪求正又要五溪  
書五溪又以數十幅報謝

奉贈張慕槎家驥侍講為別

秦城漢驛湘雲汴水萬里鞭絲島島艱難時事歷庚辛  
悲和憤一生襟抱 扁舟一櫂渺然何往蕩瀟天風海

島如今滌去世間情不離步琴師在了

奉贈李薌垣有菜中書為別

眾香國土詩人下種最是荷風裊裊不辭竟日望天關  
纔到得黃昏合范 汗泥著脚四圍塘黑不碍皆成蓬  
島花應稽首謝皇恩如今借薇垣護了

復次吳春林鴻懋扇書如夢令詞韻寄贈

憶自童年志毅堅守丹家火候白髮已種種仙訣無緣  
看透慙愧慙愧纔結中朝耆舊

此境如何能毅後候勝如前候感此倦游人二諦如將  
參透休較休較只好大家依舊

強扭春來難毅待到東風時候試看這株樛人靜自然



香透記取記取他是三生故舊

金松年

在玉

詩屋夜話遇雪同成次蘭

思永

白小

香

春培

用東坡楊花詞韻即景書懷

龍吟

調水

謝家飛絮漫空無風庭院紛紛墜攬衣中夜眼前清景  
天涯情思歲暮山空樵蹤久滅蓬門早閉有爐頭榼榼  
簫中菰粒青縷縷炊烟起誰道瓊糜代飯更晶晶瑤  
華堪綴見無差別幾人搏弄幾人踏碎各有風懷党家  
羔酒陶家茶水大長安一個袁安清簌簌憂時淚

已卯上元夜同李二堂呂荷亭閱見山

衡鎮

鄭壽

山

顯五

徐怡堂葆堂鄭懋亭徐蔚齋

相臣

徐養

泉

周輔

吳經齋呂至齋

載鉉

金滄江

澤葵

白小

香李蘭垞李心荃分韻前招三辰後引鳳凰曉

策六鰲濯足搏桑十六字得曉字

慣曾晨夕相過况迎新月臨雲表千門積素九衢儲潔  
珠圍玉繞錦箋鬪墨芳樽泛綠幽情嫋嫋歎古今易盡  
清光難住此一會如何少仰看一規寒鏡影得來山  
河大小誰能離地縱遊無際為余說了只好坐談路由  
杖底春在棗杪怪鬢邊浙浙星輝歷歷又澹將曉

序

乙亥春朝鮮李朝使鳳藻枉過寓齋歡若平生借一客  
姜子古歡者頎而長鬚髯戟張目炯炯如炬心異之入  
座作媿隅語不可解索筆代舌滔滔千言紙寸許立盡  
詢其先代固華籍徙東已數十世袖出近作劇目錄心  
是學杜有得者歎賞久之並出舊作數册索弁言於余  
余惟詩之源甚遠而用力最難大抵必讀書破萬卷而  
足跡所至耳目所經怪怪奇奇窮極天下之壯觀而后  
能開拓胸臆獨有千古子美居巴蜀山川雄險甲天下  
古歡雖僻處東隅而辰韓故墟古稱壯麗苦心學杜未  
始非江山之助况博極羣書以布衣兩入京師往返

經萬里踰絕塞度滄海關山風月之凄清島嶼烟波之浩渺時與壯懷相摩盪荒原立馬落日停鞭斷碣殘碑蒼茫吊古故其發而爲詩忽正忽奇忽沉鷲忽堅凝忽虛非而誕幻風檣陣馬不足方其勇也鯨吞鼉擲冰柱雪車不足比其才艷也昔元微之致令狐啓云居易雅能爲詩自審不能有以過之戲排舊韻別創新詞名爲次韻余忽促別緒惻然樂綴數言以志海外投契之真並質諸讀古歡詩者知余非阿私所好云

光緒乙亥春 賜進士及第 日講起居注官翰林院侍讀南書房行走 國史館協修徐鼎頌閣甫序於京寓之賜書堂

序

姜子古歡爲朝鮮名下士前隨其使臣同至日本適聞國中變起使臣倉皇回國古歡隻身無依轉輾流徙會來海上出眎所著北游草古歡堂初稿二册余受而讀之其詩直抒性情不假賡歌酬唱渡榆關越遼海攬山川之勝概寫風物之清新沈鬱蒼涼幾入杜陵之室至文之信筆衍迤一若不煩繩削而自合準繩然觀沁行雜記著作確有見地不主故常語曰識時務者在於俊傑豈不諒哉冗次未能卒讀聊綴數言以博一粲云爾壬午仲秋之月江蘇蘇松太道台姚江邵友濂書於申江權署之絜園

遠游艸序

太史公周覽名山大川其文頗有奇氣杜子美身經流離困厄其詩益多頓挫若足跡不出里閭身當清平無事雖有撰述不過弄月吟風求其能入作者之林蓋難數數觀矣朝鮮姜子古歡喜遊覽工詩文不以豐約盛衰之故稍隳其志嘗兩至都門再游日本今年秋在日本聞國中有變轉徙滬上其山水清靈之氣艱難崎嶇之狀寓於目而得於心故其爲詩吐屬名雋正變迭出而神與古會絕無錘琢之痕可傳於後無疑也小住局中時相過從輒以筆談國中之掌故時事之變遷俱能窮源溯流洞悉利弊可謂博古通今之君子矣詩特其

古歡堂收書序  
餘事耳身行萬里又經世變一切可喜可愕悲憤無聊  
之氣寄於詩者尤多一日出遠遊艸見示並屬爲序余  
受而讀之愛其寄託遙深奄有杜陵之勝境先生所著  
詩文甚富尙以未得盡讀爲憾然卽此可見一斑矣夫  
以先生之才之學使得大用於世其設施當未可限量  
區區詩歌又奚足爲先生重乎  
光緒八年歲次壬午孟冬月江南廣方言館總管候補  
道台徽州程錫書拜序

題詞

合觀諸作清詞麗句美不勝收蓋其用力已深信手拈  
來俱成妙語南宋堯章以後君其嗣音  
示我北遊艸披吟幾度過關河深閱歷風月老婆娑天  
籟雕鐫少人情感慨多相逢期隔歲詩興復如何

蜀東 吳鴻恩 春海拜讀

海山仙客墨花飛處案上茶煙幽裊君家白石古詞仙  
詒留下一般懷抱 思清於水眼明如月妙譽早馳三  
島神槎一去幾時來待他日玉梅開了

重慶 敖册賢 金甫拜讀

新詩如獲異書看東海人文結古歡籍溯隋唐鄉夢杳

事嗟秦漢陣雲寒魏文尙有前朝淚左賦還同下筆難  
寄語社中四君子何緣容我入吟壇

永綏 張世準 叔平拜讀

匹馬輕裝嬰鏖翁閒雲無碍去來鴻薊門烟樹遼陽月  
都入先生詩料中

老將登壇辟萬夫詞源汨汨瀉明珠煩君一管生花筆  
爲寫瀛壖詩派圖

心香一瓣是青邱強學塗雅也自羞三寸毛錐計生活  
儒臣無夢覓封侯

嚶城 徐 邴 頌閣拜讀

